



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU NOVI POKRET BOSNE I HERCEGOVINE

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Novog pokreta Bosne i Hercegovine za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2013. godinu, utvrđeno je da je Novi pokret Bosne i Hercegovine prekršio odredbe člana 11. i člana 12. stav (1), (3) i (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Novog pokreta Bosne i Hercegovine za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Novi pokret Bosne i Hercegovine se finansirao iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	2.344,00	56,16%
2	Prilozi fizičkih lica (3-a)	1.830,00	43,84%
3	Prilozi pravnih lica (3-b)	0,00	0,00%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	0,00	0,00%
8	Prihodi od propagande (3-g)	0,00	0,00%
9	Ostali prihodi	0,00	0,00%
I	Ukupni prihodi	4.174,00	100,00%
II	Kreditno zaduženje kod banaka	0,00	0,00%
Izvori finansiranja (I+II)		4.174,00	100,00%

U godišnjem finansijskom izvještaju stranka je iskazala ukupne rashode u iznosu od 5.436,59 KM.

2. PREDSTAVLJANJE POLITIČKE STRANKE

Naziv političkog subjekta je Novi pokret Bosne i Hercegovine. Skraćeni naziv stranke je Novi pokret BiH.

Novi pokret Bosne i Hercegovine je registrovan kod Općinskog suda u Sarajevu Rješenjem broj : 065-0-F1-12-000011 od 25.04.2012. godine, sa sjedištem u Sarajevu, ulica Tvornička 3, Ilidža.

Lice ovlašteno za zastupanje stranke je Enes Zeković, predsjednik stranke.

Lice ovlašteno za podnošenje finansijskih izvještaja za 2013. godinu je Fahrija Nalić.

Prema podacima iz godišnjeg finansijskog izvještaja za 2013. godinu, organizacionu strukturu političke stranke Novi pokret Bosne i Hercegovine čine:

- Organizacioni dio u Kantonu Sarajevo, i
- Organizacioni dio u Opštini Trebinje.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Novog pokreta Bosne i Hercegovine za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Novog pokreta Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled godišnjeg finansijskog izvještaja za 2012. godinu i izdala izvještaj o pregledu sa mišljenjem revizora, nalazima i preporukama stranci da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i da dostavlja dodatnu dokumentaciju koju od nje zatraži Centralna izborna komisija BiH.

Nerealizovane preporuke:

Na osnovu uočenih nedostataka u godišnjem finansijskom izvještaju za 2013. godinu, utvrđeno je da Novi pokret Bosne i Hercegovine nije ispoštovao date preporuke.

5. NALAZI I PREPORUKE

5.1. NALAZI

a) Na osnovu obavljenog pregleda, utvrđeno je da je Novi pokret Bosne i Hercegovine prekršio odredbe člana 11. i člana 12. stav (1) i (3) Zakona o finansiranju političkih stranaka.

Na osnovu finansijskog izvještaja i druge finansijske dokumentacije, utvrđeno je da Novi pokret Bosne i Hercegovine nije uspostavio potpune evidencije o svim rashodima, čime je prekršio odredbe člana 11. i člana 12. stav (1) Zakona o finansiranju političkih stranaka. Obzirom da je politička stranka za sastavljanje finansijskog izvještaja koristila nepotpune evidencije o rashodima, ni finansijski izvještaj nije podnijela u skladu sa odredbama člana 12. stav (3) Zakona o finansiranju političkih stranaka.

(1) Uvidom u poslovne knjige stranke utvrđeno je da su ukupni rashodi iznosili 5.955,49 KM, dok je stranka je na obrascu 4. finansijskog izvještaja ukupne rashode iskazala u iznosu od 5.436,59 KM.

Pregledom finansijskog izvještaja, utvrđeno je da je stranka na obrascu 4-1 (režijsko-administrativni i ostali troškovi) iskazala troškove zakupa za poslovni prostor u iznosu od 2.500,00 KM, što je za 2.790,00 KM manje u odnosu na ugovorenu cijenu zakupa. Na osnovu dostavljenih ugovora o zakupu poslovnog prostora sa dva fizička lica¹, utvrđeno je da je zakupnina na godišnjem nivou iznosila 5.290,00 KM.

Dakle, stranka je iskazala samo troškove zakupa koje je platila tokom godine, a ne ostvarene troškove proistekle iz zakupa, što za rezultat ima pogrešno iskazane rashode i obaveze na dan 31.12.2013. godine.

¹ Ugovor o zakupu poslovnog prostora sa Škiljević Milomirom. Prema odredbama iz ugovora mjesečni zakup iznosi 250,00 KM, odnosno na godišnjem nivou 3.000,00 KM. Prema podacima iz ugovora o zakupu sklopljenim sa Amirom Bešlijom od 21.02.2013.godine, mjesečni zakup iznosi 250,00 KM u sezoni grijanja, odnosno 220,00 KM van sezone grijanja, ostvareni troškovi zakupa za 10. mjeseci 2013. godine iznose 2.290,00 KM.

- (1) Uvidom u obrazac 1-1 (teritorijalna struktura političke stranke) finansijskog izvještaja utvrđeno je da Novi pokret Bosne i Hercegovine nije iskazao svoj organizacioni dio stranke u Vogošći, što nije u skladu sa odredbama člana 10. Pravilnika o godišnjim finansijskim izvještajima političkih stranaka.²
- (2) Služba za reviziju je utvrdila da Novi pokret Bosne i Hercegovine nije u obrascu 2 (pregled prometa svih transakcionih računa političke stranke) godišnjeg finansijskog izvještaja iskazao tačne podatke o prometu ostvarenom po transakcionom računu stranke broj: 1990490055714616 kod Sparkasse banke, čime je prekršio odredbe člana 11. Pravilnika o godišnjim finansijskim izvještajima političkih stranaka.

Kontrolom izvoda sa transakcionog računa utvrđeno je da je promet ulaza iznosio 6.003,01 KM a promet izlaza 5.608,84 KM, dok je stranka u godišnjem finansijskom izvještaju iskazala promet ulaza u iznosu od 5.302,00 KM, odnosno promet izlaza u iznosu od 4.907,83 KM.

- (3) Novi pokret Bosne i Hercegovine u obrascu 5 (pozajmice, krediti i dugovi) godišnjeg finansijskog izvještaja nije iskazao sve obaveze na dan 31.12.2013. godine, čime je prekršio odredbe člana 24. Pravilnika o godišnjim finansijskim izvještajima političkih stranaka.
 - Stranka je na obrascu 5. finansijskog izvještaja iskazala obavezu prema fizičkom licu po osnovu pozajmica u iznosu od 2.570,00 KM, dok su iste u poslovnim knjigama evidentirane u iznosu od 12.671,00 KM. Na istom obrascu obaveze prema dobavljačima iskazane su u iznosu od 1.752,65 KM, dok su u poslovnim knjigama obaveze prema dobavljačima evidentirane u iznosu od 1.936,88 KM.
 - Obzirom da stranka nije iskazala sve troškove zakupa u finansijskom izvještaju, ni obaveze prema zakupodavcima nisu iskazane.

b) Novi pokret Bosne i Hercegovine prekršio je odredbe člana 12. stav (4) Zakona o finansiranju političkih stranaka.

Dana 04.08.2014. godine, Centralna izborna komisija Bosne i Hercegovine je Novom pokretu Bosne i Hercegovine uputila Zahtjev za dostavljanje dodatne dokumentacije za 2013. godinu³ kojim je od stranke zatraženo da dostavi: bruto bilans na dan 31.12.2013. godine, glavnu knjigu sa kompletnim analitičkim evidencijama stranke za period 01.01.- 31.12.2013. godine, izvode sa transakcionog računa broj: 1990490055714616 otvorenog kod Sparkasse banke dd Filijala Sarajevo za period 01.01.-31.12.2013. godine i dokumentaciju o poslovnom prostoru koji je stranka koristila za svoj rad u 2013. godini.

Uvidom u službene evidencije utvrđeno je da stranka nije dostavila traženu dokumentaciju u skladu sa zahtjevom, te joj je Centralna izborna komisija Bosne i Hercegovine uputila Urgenciju za dostavljanje dodatne dokumentacije⁴, kojom je zatraženo da dostavi: bruto bilans na dan 31.12.2013. godine, glavnu knjigu sa kompletnim analitičkim evidencijama stranke za period 01.01.- 31.12.2013. godine, izvode sa transakcionog računa broj:1990490055714616 otvorenog

² Ugovor o zakupu stana sklopljen dana 21.02.2013. godine između Amira Bešlije i Općinske organizacije „Novi pokret Bosne i Hercegovine“ Vogošća.

³ Zahtjev broj. 03-07-6-317-2/14.

⁴ Urgencija broj: 03-07-6-317-3/14 od 29.09.2014. godine.

kod Sparkasse banke dd Filijala Sarajevo i dokumentaciju o poslovnom prostoru koji je stranka koristila za svoj rad u 2013. godini.

Obzirom da Novi pokret Bosne i Hercegovine nije postupio u skladu sa urgencijom Centralne izborne komisije Bosne i Hercegovine, odnosno da nije dostavio cjelokupnu dodatnu dokumentaciju (analitičke kartice troškova), prekršio je odredbe člana 12. stav (4) Zakona o finansiranju političkih stranaka.

5.2. PREPORUKE

Preporučuje se Novom pokretu Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi poslovne knjige u skladu sa Zakonom o računovodstvu i reviziji Federacije BiH, odnosno da vodi potpune i tačne evidencije o svojim prihodima i rashodima,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja dokumentaciju po zahtjevu Centralne izborne komisije Bosne i Hercegovine.*

KOMENTAR

U ostavljenom roku, Novi pokret Bosne i Hercegovine nije se očitovao na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2013. godinu.

Šef Odsjeka za revizijske poslove
Sanja Tošović

Šef Službe za reviziju
mr.sc Hasida Gušić

Revizor
Nevenko Andan